



**Canllawiau ar gyfer Rhaglenni Gradd Cyn Cofrestru
mewn Nyrsio**

Y dyddiad y cytunwyd
ar y polisi: Mawrth 2022

Dyddiad Adolygu: Ionawr 2025



GIG
CYMRU
NHS
WALES

Addysg a Gwellu Iechyd
Cymru (AaGIC)
Health Education and
Improvement Wales (HEIW)

Tabl Cynnwys

Rhaglenni Nyrsio Cyn Cofrestru	Error! Bookmark not defined.
Rhaglen Radd 3 Blynedd Lawn Amser mewn Nyrsio.....	Error! Bookmark not defined.
Gofynion mynediad	Error! Bookmark not defined.
Cyllid	Error! Bookmark not defined.
Rhaglen Radd 2 Flynedd mewn Nyrsio i Weithwyr Cymorth Gofal Iechyd	5
Gofynion mynediad	5
Cyllid	Error! Bookmark not defined.
Rhaglen Radd Ran Amser / Hyblyg mewn Nyrsio am hyd at bedair blynedd	Error! Bookmark not defined.
Gofynion mynediad	Error! Bookmark not defined.
Cyllid	Error! Bookmark not defined.
Absenoldeb Mamolaeth/Tadolaeth.....	8
Absenoldeb oherwydd Salwch	8
Rhaglen Nyrsio Ôl-raddedig 2 Flynedd Lawn Amser	Error! Bookmark not defined.
Gofynion mynediad	9
Cyllid	9
Gwybodaeth am Bob Rhaglen Nyrsio Cyn Cofrestru	Error! Bookmark not defined.
Absenoldeb Mamolaeth/Tadolaeth.....	Error! Bookmark not defined.
Absenoldeb oherwydd Salwch	10
Atodiad A	Error! Bookmark not defined.

Rheoli Fersiynau

Dyddiad	Diwygiad
Awst 2017	Fersiwn gwreiddiol
Ionawr 2019	Clawr Blaen – disodli logo PCGC â logo AaGIC
	Tudalennau amrywiol – disodli PCGC gydag AaGIC
	Tudalen 7 – disodli’r cyfeiriad anfoneb gyda chyfeiriad anfoneb AaGIC
	Tudalennau 9 a 15 – Disodli cyfeiriadau e-bost gyda chyfeiriadau cyllid/comisiynu AaGIC
Ionawr 2022	Diweddarwyd delwedd y clawr blaen
	Diweddarau gwybodaeth rhaglen i adlewyrchu canlyniad adolygiad strategol addysg 1 cyn i gyrsiau newydd ddechrau ym mis Medi 2022.

Rhaglenni Nyrsio Cyn Cofrestru

Mae Addysg a Gwellu Iechyd Cymru (AaGIC) yn gyfrifol am gomisiynu addysg a hyfforddiant i ddiwallu anghenion y GIG yng Nghymru. Mae nifer o raglenni nyrsio cyn cofrestru sy'n rhan o'r cylch gwaith hwn.

Bob blwyddyn, mae AaGIC yn cyllido lleoedd ar raglenni nyrsio cyn cofrestru ar ran GIG Cymru. Dyma'r rhaglenni cyn cofrestru presennol mewn nyrsio:

- Rhaglen gradd nyrsio 3 blynedd
- Rhaglen gradd nyrsio garlam ar gyfer gweithwyr cymorth gofal iechyd
- Rhaglen gradd nyrsio rhan amser/hyblyg
- Rhaglen gradd dysgu nyrsio amser llawn o bellter
- Rhaglen gradd dysgu nyrsio amser llawn wedi ei wasgaru
- Rhaglen nyrsio cyn cofrestru dwy flynedd MSc / Diploma Ôl-raddedig

Mae'r canllawiau hyn ar gyfer Cymru gyfan yn disgrifio'r gwahanol raglenni nyrsio cyn cofrestru y mae AaGIC yn eu comisiynu, ac yn disgrifio'u trefniadau cyllido.

Rhaglen Radd 3 Blynedd Lawn Amser mewn Nyrsio

Rhaglen lawn amser 3 Blynedd yw hon, y mae hanner ohoni yn seiliedig ar ddysgu yn y brifysgol a'r hanner arall ar ddysgu mewn lleoliad clinigol.

Gofynion mynediad

Mae unigolion sy'n bodloni gofynion mynediad eu dewis brifysgol yn gymwys i ymgeisio am le ar y rhaglen trwy UCAS. Gellir dod o hyd i wybodaeth am ofynion mynediad o wefannau unigol y prifysgolion.

Mae AaGIC yn comisiynu'r meysydd canlynol mewn nyrsio o'r pedair prifysgol yng Nghymru y manylir arnynt isod:

[Prifysgol De Cymru](#)

Oedolion, Plant, Iechyd Meddwl ac Anghenion Dysgu

[Prifysgol Caerdydd](#)

Oedolion, Plant ac Iechyd Meddwl

[Prifysgol Aberystwyth](#)

Oedolion ac Iechyd Meddwl

[Prifysgol Abertawe](#)

Oedolion, Plant, Iechyd Meddwl ac Anghenion Dysgu

Prifysgol Bangor

Oedolion, Plant, Iechyd Meddwl, Anabledau Dysgu, Rhaglen radd dysgu o bell llawn amser a ran amser a rhaglen radd dysgu gwasgaredig amser llawn a ran amser

Cyrsiau israddedig - Prifysgol Glyndŵr Wrecsam

Oedolion, Plant, Iechyd Meddwl

Cyllid

Dyma drefniadau cyllido'r rhaglen nyrsio cyn cofrestru 3 blynedd:

- **Dim ond** os bydd ymgeiswyr yn ymrwymo i weithio yng Nghymru am ddwy flynedd ar ôl cwblhau eu rhaglen (18 mis ar gyfer Diploma Ôl-raddedig neu Raglenni wedi cyflymu dwy flynedd) y cânt wneud cais am **Bwsariaeth GIG Cymru** gan [Wasanaethau Dyfarniadau Myfyrwyr](#). Mae gofyn i ymgeiswyr gofrestru'r hyn maent yn bwriadu ei wneud ar [System Gofrestru Iechyd Cymru](#) ar wefan Gwasanaethau Dyfarniadau Myfyrwyr, a chwblhau'r datganiad yn adran Telerau ac Amodau Cynllun Bwsariaeth GIG Cymru.

Mae **Cynllun Bwsariaeth GIG Cymru** yn darparu'r cymorth ariannol canlynol i fyfyrwyr:

- Cost ffioedd dysgu
 - Bwsariaeth sy'n seiliedig ar brawf modd ar gyfer costau byw
 - Grant o £1000 nad yw'n seiliedig ar brawf modd
 - Yn ogystal â hyn, caiff myfyrwyr gymorth gyda chostau eraill megis costau teithio a llety (tra byddant ar leoliad), ac mae Lwfans Gofal Plant, Lwfans Myfyrwyr Anabl, Lwfans Dibynyddion a Lwfans Dysgu i Rien.
 - Os ydych chi'n gymwys, bydd modd ichi dderbyn benthyciad myfyrwyr llai (yn ddarostyngedig i reoliadau'r Cwmni Benthyciadau Myfyrwyr).
- Bydd gan fyfyrwyr sy'n byw yng Nghymru, nad ydynt yn dymuno ymrwymo i weithio yng Nghymru ar ôl cwblhau eu cwrs, hawl i'r pecyn cymorth safonol o [Gyllid Myfyrwyr Cymru](#).
 - Bydd gan fyfyrwyr sy'n byw y tu allan i Gymru, nad ydynt am ymrwymo i weithio yng Nghymru, hawl o hyd i astudio yng Nghymru, ond bydd yn rhaid iddynt ddod o hyd i gyllid o ffynhonnell arall. Gall hyn gynnwys cyllid o'r corff cyllido perthnasol yn eu gwlad gartref neu drwy gyllido eu hunain.
 - Gall myfyrwyr gyllido eu hyfforddiant eu hunain.

Rhaglen Radd 2 Flynedd mewn Nyrsio i Weithwyr Cymorth Gofal Iechyd

Rhaglen lawn amser i Weithwyr Cymorth Gofal Iechyd yw hon lle gallant ymuno â'r cwrs gradd mewn nyrsio ym mlwyddyn 2.

Gofynion mynediad

Mae Gweithwyr Cymorth Gofal Iechyd sydd wedi cwblhau un o'r cyrsiau yn y rhestr ganlynol yn gymwys i ymgeisio am le ym mlwyddyn 2 ar y rhaglen radd 3 blynedd mewn nyrsio. Gall fod rhaglenni addysgol eraill sy'n galluogi myfyrwyr i ddechrau ym mlwyddyn 2 y rhaglen. Gellir dod o hyd i ragor o fanylion o brifysgolion unigol.

Gellir dod o hyd i wybodaeth am ofynion mynediad o wefannau unigol y prifysgolion.

[Tystysgrif mewn Astudiaethau Gofal Iechyd ar gyfer Gweithwyr Cymorth Gofal Iechyd Prifysgol Abertawe](#)

[Tystysgrif Addysg Uwch mewn Nyrsio Gofal Iechyd i Weithwyr Cymorth Prifysgol De Cymru](#)

[Gradd Sylfaen mewn Ymarfer Gofal Iechyd Coleg Llandrillo](#)

Cyllid

Yr un yw trefniadau cyllido'r cwrs hwn ag eiddo'r rhaglen 3 blynedd lawn y manylir arno uchod.

Rhaglen Radd Ran Amser / Hyblyg mewn Nyrsio am hyd at bedair blynedd

Rhaglen ran amser / hyblyg i Weithwyr Cymorth Gofal Iechyd sydd wedi eu cyflogi gan GIG Cymru yw hon. Mae'r cwrs hwn ar gael i Weithwyr Cymorth Gofal Iechyd sy'n gweithio mewn practisiau meddygon teulu hefyd, lle bo'r meddyg wedi cytuno i ryddhau'r aelod o staff am y cyfnod cytunedig, a lle bo'r Bwrdd Iechyd wedi cytuno i gefnogi'r aelod hwn o staff o ran y comisiwn a darparu lleoliad.

Bydd y gweithiwr cymorth gofal iechyd yn gweithio'r nifer cytunedig o oriau bob wythnos fel myfyriwr nyrsio, a bydd yn cyflawni ei rôl fel gweithiwr cymorth gofal iechyd yn ei swydd barhaol am weddill oriau ei gontract.

Mae'n bosibl y bydd y brifysgol yn cyfuno'r oriau wythnosol yn gyfnodau dysgu cyfansawdd, yn hytrach na dysgu nifer o oriau bob wythnos. Bydd cwblhau'r oriau hyn yn galluogi'r

myfyriwr i gwblhau'r nifer gofynnol o oriau ar leoliad ynghyd â meddu ar amser astudio yn unol â Rheoliadau'r Cyngor Nyrsio a Bydwreigiaeth.

[Prifysgol Aberystwyth](#)

[Prifysgol Glyndŵr Wrecsam](#)

[Prifysgol Abertawe](#)

[Prifysgol Bangor](#)

[Prifysgol De Cymru](#)

Gofynion mynediad

Mae'r llwybr hwn ar gael i'r gweithwyr cymorth gofal iechyd hynny sy'n bodloni meini prawf cymhwysedd y brifysgol. Gellir dod o hyd i ofynion mynediad y prifysgolion ar eu gwefannau unigol.

Gall gweithwyr cymorth gofal iechyd fod yn gymwys i ymuno â'r rhaglen nyrsio ran amser / hyblyg ar wahanol bwyntiau yn y rhaglen, gan ddibynnu ar eu cymwysterau. Gellir dod o hyd i ragor o wybodaeth o brifysgolion unigol.

Dim ond gan AaGIC y dylid ceisio cadarnhad ynghylch a oes gan y myfyriwr hawl i gyllid, os yw'r myfyriwr eisoes wedi dechrau, ond heb orffen, rhaglen nyrsio cyn cofrestru sydd wedi cynnwys cyfraniadau cyflog neu rai cyfraniadau cyflog.

Yn yr achosion hyn, mae'n rhaid i ddarparwyr addysg gysylltu ag AaGIC i gadarnhau a oes gan y myfyriwr hawl i ragor o gyllid cyn cynnig lle GIG Cymru iddynt. Caiff pob myfyriwr ei asesu fesul achos.

Cyllid

Mae trefniadau'r rhaglen nyrsio ran amser / hyblyg fel a ganlyn:

- Mae AaGIC yn talu'r ffioedd dysgu
- Bydd ymgeiswyr sy'n ymgymryd â hyfforddiant ar raglen radd ran amser/hyblyg mewn nyrsio **yn parhau'n gyflogedig gan eu cyflogwr presennol** am hyd y cwrs.
- Bydd y cyflogwr yn parhau i dalu cyflog blyneddol i'r gweithwyr cymorth gofal iechyd sy'n gyfwerth â'u cyflog parhaol presennol am hyd y cwrs. Bydd y gweithwyr cymorth gofal iechyd yn parhau i dalu'r didyniadau arferol o'u cyflog, megis cyfraniadau pensiwn, treth a chyfraniadau Yswiriant Gwladol.

- Dylai cyflogwyr ofyn am ad-daliad gan AaGIC am gostau cyflog ôl-lenwi (backfill costs) ar gyfradd o 16 awr fesul wythnos ar raddfa gyflog bresennol y gweithiwr cymorth gofal iechyd, ond heb fod yn uwch na phwynt canol band 3 Agenda ar gyfer Newid. **RHAID** i'r oriau gofynnol sy'n weddill (hyd at 7 awr) gael eu cyllido gan y sefydliad sy'n cyflogi. Mae angen i Sefydliadau Addysg Uwch sicrhau bod pob sefydliad cyflogi yn ymwybodol o'r ymrwymiad hwn neu gallai'r cyllid gael ei ddileu.
- Caiff gweithwyr cymorth gofal iechyd ad-daliad o'u costau teithio yn sgil teithio i leoliadau clinigol/sefydliadau addysg uwch yng Nghymru, os ydynt **yn uwch** na chostau teithio dyddiol rhwng **eu cartref a'u gweithle**. Ni ddylai myfyrwyr sydd wedi dewis lleoliad y tu allan i Gymru gael ad-daliad o'u treuliau lle byddai lleoliad yng Nghymru wedi bod ar gael.
- Bydd yn rhaid i weithwyr cymorth gofal iechyd GIG Cymru fod â chyfrif e-dreuliau er mwyn hawlio ad-daliadau o'u treuliau teithio.
- Dylai cyflogwyr anfon anfonebau i AaGIC bob mis sy'n manylu ar y costau canlynol:
 - a. Costau cyflog ôl-lenwi gweithwyr cymorth gofal iechyd (16 awr) ynghyd ag argostau'r cyflogwr am hyd y cwrs (heb gynnwys goramser ac unrhyw dâl ychwanegol).
 - b. Costau teithio myfyrwyr yn sgil teithio i'w lleoliad clinigol a/neu sefydliad addysg uwch ac yn ôl, **sy'n uwch** na'u costau teithio dyddiol rhwng **eu cartref a'u gweithle**.
 - c. Telir ad-daliadau milltiroedd awdurdodedig yn ôl graddfa wrth gefn GIG Cymru (y raddfa trafnidiaeth gyhoeddus o'r blaen), sef 28 ceiniog fesul milltir ar hyn o bryd. Dylai rheolwyr gweithwyr cymorth gofal iechyd yn y sefydliad yn GIG Cymru sicrhau y caiff pob hawliad am gostau teithio ei wirio gan yr Arweinydd Addysg yn eu sefydliad/sefydliad addysg uwch (SAU) cyn iddo gael ei gymeradwyo ar gyfer taliad.
 - d. Gweler Atodiad A - Siart Llif o'r broses o ad-dalu treuliau.
 - e. Ni chaiff taliadau ceir llog GIG eu had-dalu gan y AaGIC. Os codir unrhyw ffioedd wrth ddychwelyd car llog, cysylltwch ag adran gyllid y AaGIC trwy e-bostio ETFinance.HEIW@wales.nhs.uk.
 - f. Bydd AaGIC yn talu costau parcio sy'n uwch na chostau parcio arferol gweithwyr cymorth gofal iechyd wrth iddynt fynychu sefydliadau addysg uwch/leoliadau clinigol. Fodd bynnag, os bydd gweithwyr cymorth gofal iechyd yn mynd i gostau parcio lle maent yn gweithio fel arfer, dim ond ffioedd sy'n uwch na hyn y caiff eu had-dalu.
- Dylid labelu anfonebau at sylw AaGIC a'u cyflwyno i AaGIC, Blwch Post 123, Pont-y-pŵl, NP4 4DW neu ETFinance.HEIW@wales.nhs.uk.

- **Nid** oes gan weithwyr cymorth gofal iechyd hawl i wneud cais am Gynllun Bwrsariaeth GIG Cymru.

Absenoldeb Mamolaeth/Tadolaeth

Ni fydd AaGIC yn ad-dalu costau'r cyflogwr os bydd myfyriwr yn absennol o hyfforddiant oherwydd absenoldeb mamolaeth estynedig.

Mae'n rhaid i'r SAU a'r sefydliad yn GIG Cymru roi gwybod i AaGIC pan fydd y myfyriwr wedi dychwelyd i'w hyfforddiant fel y gall ailddechrau talu cyfraniadau ôl-lenwi.

Mae rhagor o wybodaeth gyffredinol yn ymwneud ag absenoldeb mamolaeth/tadolaeth ar gyfer pob rhaglen nyrsio cyn cofrestru yn adran "Gwybodaeth am Bob Rhaglen Nyrsio Cyn Cofrestru" isod.

Absenoldeb oherwydd Salwch

Ni fydd AaGIC yn ad-dalu costau'r cyflogwr os bydd myfyriwr yn absennol o hyfforddiant oherwydd absenoldeb salwch estynedig.

Mae'n rhaid i'r SAU a'r sefydliad yn GIG Cymru roi gwybod i AaGIC pan fydd y myfyriwr wedi dychwelyd i'w hyfforddiant fel y gall ailddechrau talu cyfraniadau ôl-lenwi.

Mae rhagor o wybodaeth gyffredinol yn ymwneud ag absenoldeb oherwydd salwch ar gyfer pob rhaglen nyrsio cyn cofrestru yn adran "Gwybodaeth am Bob Rhaglen Nyrsio Cyn Cofrestru" isod.

Rhaglen Nyrsio Ôl-raddedig 2 Flynedd Lawn Amser

Rhaglen Nyrsio Ôl-raddedig 2 Flynedd Lawn Amser yw hon, y mae hanner ohoni yn seiliedig ar ddysgu yn y brifysgol a'r hanner arall ar ddysgu mewn lleoliad clinigol.

Mae AaGIC yn comisiynu'r rhaglen nyrsio ôl-raddedig 2 flynedd lawn amser o'r prifysgolion canlynol yng Nghymru:

[Prifysgol Caerdydd](#)

[Prifysgol Glyndŵr Wrecsam](#)

[Prifysgol Abertawe](#)

[Prifysgol De Cymru](#)

Gofynion mynediad

Mae'r rhaglen hon ar gael i'r rhai sydd eisoes wedi llwyddo i gael gradd gyntaf. Gellir dod o hyd i ragor o wybodaeth am ofynion mynediad o brifysgolion unigol.

Cyllid

Mae'r trefniadau cyllido ar gyfer y rhaglen radd 2 flynedd ôl-raddedig mewn nyrsio fel a ganlyn:

- **Dim ond** os bydd ymgeiswyr yn ymrwymo i weithio yng Nghymru am 18 mis ar ôl cwblhau eu rhaglen y cânt wneud cais am **Fwrsariaeth GIG Cymru** gan [Wasanaethau Dyfarniadau Myfyrwyr](#). Mae gofyn i ymgeiswyr gofrestru'r hyn maent yn bwriadu ei wneud ar [System Gofrestru Iechyd Cymru](#) ar wefan Gwasanaethau Dyfarniadau Myfyrwyr, a chwblhau'r datganiad yn adran Telerau ac Amodau Cynllun Bwrsariaeth GIG Cymru.

Mae **Cynllun Bwrsariaeth GIG Cymru** yn darparu'r cymorth ariannol canlynol i fyfyrwyr:

- Cost ffioedd dysgu
- Bwrsariaeth sy'n seiliedig ar brawf modd ar gyfer costau byw
- Grant o £1000 nad yw'n seiliedig ar brawf modd
- Yn ogystal â hyn, caiff myfyrwyr gymorth gyda chostau eraill megis costau teithio a llety (tra byddant ar leoliad), ac mae Lwfans Gofal Plant, Lwfans Myfyrwyr Anabl, Lwfans Dibynyddion a Lwfans Dysgu i Rieni.
- Bydd gan fyfyrwyr sy'n byw y tu allan i Gymru, nad ydynt am ymrwymo i weithio yng Nghymru, hawl o hyd i astudio yng Nghymru, ond bydd yn rhaid iddynt ddod o hyd i gyllid o ffynhonnell arall. Gall hyn gynnwys cyllid o'r corff cyllido perthnasol yn eu gwlad gartref neu drwy gyllido eu hunain.
- Gall myfyrwyr gyllido eu hyfforddiant eu hunain.
- NID oes gan fyfyrwyr ôl-radd hawl i fenthyciad myfyrwyr.

Gwybodaeth am Bob Rhaglen Nyrsio Cyn Cofrestru

Absenoldeb Mamolaeth/Tadolaeth

Dylai myfyrwyr ddilyn polisiâu Absenoldeb Mamolaeth/Tadolaeth/Mabwysiadu a Rhieni eu cyflogwr/prifysgol.

Pan fo myfyriwr angen ymestyn hyd ei hyfforddiant oherwydd absenoldeb mamolaeth, dylai'r SAU wneud cais ffurfiol am gyllid ychwanegol gan AaGIC drwy lenwi'r ffurflen gais newid berthnasol.

Absenoldeb oherwydd Salwch

Dylai myfyrwyr ddilyn polisi Absenoldeb oherwydd Salwch eu cyflogwr/prifysgol.

Pan fo myfyriwr angen i hyd ei hyfforddiant gael ei ymestyn oherwydd Salwch, dylai'r SAU wneud cais ffurfiol am gyllid ychwanegol gan AaGIC drwy lenwi'r ffurflen gais newid berthnasol.

Os oes gennych chi unrhyw ymholiadau neu os oes angen esboniad pellach, anfonwch e-bost at: ETFinance.HEIW@wales.nhs.uk/ HEIW.EdCommissioning@wales.nhs.uk.

Atodiad A

Siart Llif o'r broses o ad-dalu treuliau

